



Projet promovût di 'La Vôs dai Furlans' e 'ARLeF'

Lu saveviso che...?

La lane e je il pêl de piore, clamât toson, che i covente di Invier par parâsi dal frêt. Pe Vierte però lis pioris a vegnin tosadis, propit come cuant che nô o lin a taiâsi i cjavei! Cussi, lôr si sintin plui frescîs e nô o podin doprâ cheste fibre par tiessi visîts cjalts e fofs. La lane plui doprade e je chê di piore, ma a esistin ancje chês di camêl, di alpaca e di cunin, che a son une vore preziosis e delicadis.



La cjançon de setemane

SACHE BURACHE



"Toni Boni al ven di mont, cence scuete e cence ont, cence scuete e cence paie, vive, vive la canaie! ..."

Cjantîn insiemi "Toni Boni" su



Cumò fâs tu!

Cerle lis besteutis che a àn il pêl just par fâ la lane.



Soluzioni: piore, cunin, alpaca, camêl

Piture il dissen



Ridi a plene panze!

Cuâl isal il paîs preferît des pioris? Passons!

LES IMAGES A SON GIAMADIS FÛRDI HTTPS://ITEREERPK.COM - HTTPS://PKABAY.COM - HTTPS://ARLEF.IT/

Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman!? **Cirilîs su**



ANCJE 'ON DEMAND' SU telefriuli

Cjale lis gnovis pontadis su **telefriuli**

Vinars aes 18.30 e in repliche domenie aes 7.00 e aes 13.00

## STELIS E LUSIGNIS Noa



**Roc.** Intes discussions in famee tu âs di vê un grum di pazience e no tu âs di rabiâti. Cussi dut si sclaris miôr.



**Gjambar.** La energjie di chei dis achi ti puarte a fâ une vore di sport, ma une compagne no tu le âs intai rapuarts cun chei altris.



**Balance.** Sta plui dongje a fradis e amis, parcè che a podaressin dâti il consei just.



**Bec di mont.** No tu âs avonde energjie par dutis lis robis che tu âs di frontâ, dopre ben lis tôs fuarcis.



**Taur.** Ti è vignude tal cjâf une persone che no tu viodis di un pieç, tu fasis ben a clamâle.



**Leon.** Tu sês plui viert cu la int e ches ti permet di cognossi personis gnovis, cualchidune e pues diventâ tô amie.



**Sgarpion.** Par frontâ ben il doman tu âs di dismenteâ fats e personis leâts al to passât.



**Agarûl.** Tu vuelis gjolditi une vite comude e plene, e par vèle tu fasis tancj sfuarçs. Atent però a no lassâ indaûr la famee.



**Zimui.** Alc di chei che ti son intor no ti conving, tu fasis ben a fâ cualchi pas indaûr e a no cjapâ nissun impegn.



**Vergjine.** Tal lavôr tu rivis a meti in pratiche lis tôs cognossincis e i coleghis ti disin graciis.



**Sagjitari.** La Lune e à voie di fâti cualchi dispriet e cussi, biel che tu ti gjoldis un moment di pàs, jê ti fâs un çopedon.



**Pes.** Tu finissis l'an plen di fuarce e voie di rivâ, lis stelis a son de tô bande, ce vuelistu miôr di cussi?

